

Joogtaynta diiwaanada xiriirka, waa shuruud lagu ilaalinayo WA amaankeeda

Laga bilaabo Sabtida, 5 ta Diseembar, gaar ahaan WA ganacsiyada iyo goobaha ayaa looga baahan doonaa inay ilaaliyaan diiwaanka xiriirka khasabka ah ee shaqaalaha iyo macaamiisha.

Dib-u-soo-celinta diiwaannada xiriirku waa tallaabo difaac oo dheeri ah waxayna ka caawin doontaa baafinta xiriirka Waaxda Caafimaadka, haddii loo baahdo.

Ganacsiyada ama goobaha looga baahan yahay inay hayaan diiwaanka xiriirka, waxaa ka mid ah:

- Cuntada iyo goobaha shatiga leh (makhaayadaha, meelaha lagu qaxweeyo, baararka, goobaha lagu caweeyo)
- Meelaha jimicsiga, xarumaha isboortiga korka ka dadan iyo barkadaha dabaasha
- Goobaha cibaadada iyo aaska
- Adeegyada isqurxinta iyo daryeelka shakhsiyadeed oo ay ku jiraan tima hagaaji-yeyaasha iyo timajarayaasha
- Matxafyada iyo galleriga
- Shineemooyinka, tiyaatarada iyo goobaha kale ee madadaa-lada
- Guryaha wax lagu xaraasho iyo kormeerka guryaha
- Xarumaha bulshada, makta-badaha iyo hoolalka
- Goobaha lagu xanaaneeyo xayawaanka iyo jardiinooyinka madadaalada
- Xarumaha shaqada
- Xarumaha hoyga ee horeyba u lahaa qabanqaabada hubinta ee goobta (sida hoteelada, barxadaha waaweyn)

Ganacsiyada loo qoondeeyay iyo goobaha ayaa looga baa-han doonaa inay soo ururiyaan taariikhda, magaca, lambarka taleefanka iyo waqtiga imaatinka dhammaan macaamiisha, shaqaalaha, dadka soo booqanaya iyo qandaraasleyaasha tagaya dhismaha, marka laga reebo kuwa dalabkooda qaata

Keydka diiwaanka xiriirka waa in la hayaa 28 maalmood, oo aan loo isticmaalin ujeedo kale.

Diiwaanada waxaa loo hayaa oo keliya ujeedooyinka wixii raad raadin xiriir COVID-19 ah haddii Waaxda Caafimaadka u baahan tahay.

Si loo caawiyo ganacsiyada iyo goobaha, Dawladda WA waxay soo saartay bar-naamijka bilaashka ah, ee 'SafeWA', nidaam diiwaan gelinta khadka tooska ah oo adeegsada QR Codes loogu talagalay macaamiisha iyo shaqaalaha si loo baaro loona diiwaangaliyo imaansha-hooda.

SafeWA waxaa lagala soo bixi karaa Apple App Store ama Google Play laga bilaabo man-ta.

Tani waxay u oggolaan doontaa ganacsiyada iyo goobaha, kuwa doorta inay adeegsadaan barnaamijka 'SafeWA app', waqti ay ku fuli-yaan Sabtida, 5 ta Diseembar 2020.


Abka waxaa loogu talagalay in si bilaash ah, fudud, oo aan sababeyn in si caadi ah la isu hor yimaado, hase yeeshe isticmaalka Safe WA qasab maahan.

Qaabab kale oo loogu tala-galay diiwaannada xiriirka khasabka ah ayaa la heli karaa, oo ay ku jiraan aala-daha kale ee elektarooniga ah ama nidaamka waraaqaha ku saleysan, waxay ku xiran tahay waxa ku habboon ganacsiga, goobta ama shaqsiga.

Ganacsiyadu waa inay weli haystaan diiwaangelin xiriir ah oo qoran oo loogu talagalay dadka doorta inaysan istic-maalin barnaamijka.

Ka gaabinta u hogaansanaan-ta shuruudaha cusub si loo ilaaliyo diiwaanka xiriirka waxay keeni kartaa ganaaxyo gaaraya \$ 50,000 qof shaqsi ah iyo \$ 250,000 shirkadaha ama xabsi 12 bilood ah.

Mabaadi'da badbaadada COVID ee Western Australia



Is bar ku dhaqanka kala fogaanta jir ahaanshaha haddii ay suurtagal tahay



Dhaq gacmaha si joogto ah



Guriga joog haddii aad xanuunsan tahay



Is baar haddii aad calaama-daha jirooyinka leedahay



Soodejiso barnaamijka 'SafeWA'